

САМУРДИН

сес

«Магъарамдхуьруьн район» МР-дин
общественно-политический газет.
Общественно-политическая газета
МР «Магъарамкентский район».

ГОЛОС САМУРА

Газет 1951- йисалай акъатзава. № 1 (8154) ислен, 2- январь, 2023- йис. Къимет 6 манат

Цийи йисан тебрик

«Магъарамдхуьруьн район»
МР-дин Администрациядин къил
Ф.З. АГЪМЕДОВ.



ГЪУЪРМЕТЛУ районзегъляр! Ингъе, чна мад са йис тарихдиз рекъе хтуна ва Цийи йис хуш-вилелди къадулнава. Чна тарихдиз рахкурзавай, цийиз къабулнавай йисар райондин зегъметчийрин, республикадин руководстводин ва гъар са касди вичин намусдин вилик вахкузвай четин ва жавабдар имтигъан я.

Куьрелди лугъун хъайитла, 2022- йис чна экономикадинни яшайишдин жигъетдай вилик фи-налди, агъалийрин дуланажагъдин шартлар хъс-наруналди, республикадин руководстводин афе-рин алаз лишанлу авуна.

Чна йисан къене тухванвай квалахрин делил-рай акъазвайвал, чи район экономикадинни яшайишдин рекъяй пакагъан йикъахъ инанмиш яз, йис-йисандавай еришар йигинариз, нетижаяр хъс-нариз виликди физва. Ида чак са клусни архайин-вал ва дамах кутазвач. Вилик акъвазнавай ве-зифайри чун вири къуватар желб авуниз, вири мумкинвилер кардик кутуниз мажбурзава.

→ 2



Цийи йисан тебрик

«Магъарамдхуруьн район»
МР-дин Администрациядин кьил
Ф.З. АГЪМЕДОВ.



1 ←



к ъ а д а р н и
тлмил туш,
вилик акъваз-
навай месэлайрин къадар-
ни лап эзаф я. Абурун
гъакъиндай, чун гележегда
гегьеншдиз рахада. Цийи
йисан сувар им неинки
хъсан умудрин ва гуьзле-
мишзавай шад хабаррин
вахт, гъак! цийи крарик
кьил кутазвай легъзени я.
Гъавилей чна и сувар ми-
хьи гъиссер ва члехи уму-
дар аваз къаршиламишни
ийизва. Адавай хъсанви-
лихъ дегисвилер гуьзле-
мишзава.

Райондин сергъятар,
квалахрин къадарар, вилик
акъвазнавай везифаяр, ипла-
ки агъалийрин игътияжар
лап екебур я. За зи вилик га-
зетдин суварин нумрада Рай-
администрацияди авур
квалахдин гъахъ-гъисаб аву-
нин везифа эцигнавачир. Йи-
сан къене авунвай квалахрин

«Магъарамдхуруьн рай-
он» МР-дин администрацияди
вичин квалахда кьилин фикир
экономика вилик финин ериш
явашар тавуниз, муниципаль-
ный райондин бюджет дурум-
лувилелди ацлурун патал кар-
чивилин ва инвестициярин ак-
тиввал хкажуниз, социальный
хиле гъалар хъсанаруниз, рай-
ондин агъалийрин яшайиш сан-

лай къулайди авуниз гана. Му-
ниципальный райондин чкадин
самоуправлениедин органрин
вири квалах Дагъустан Рес-
публикадин Къили тайинарай
вилик финин эвелимжи проек-
трихъ галаз къадайвал теш-
килна.

Виликамаз къунвай гъиса-
бунри къалурзавайвал, ала-
тай йисуз райондин экономи-
кадин вири хилер бегьерлуди
хъана. Чалай тайинарай пла-
нар асул гъисабдай кьилиз
акъудиз алакьна.

Къуй 2023- йис вири райо-
нзгълияр патал агалкъунрин-
ди ва бегьерлу квалахринди,
шад хабарринди хъурай. Къуй
куь эрзиман мурадар ва уму-
дар кьилиз акъатрай, куь
хъсан фикирар ва планар
уьмуьрдиз кечирмиш хъурай!
Къуй квехъ мягъкем сагъвал,
ислягъвал, бахтар ва хушбах-
твал хъурай!



ЦИЙИ ЙИСУЗ

Виридалай хъсанди -
Халкъдиз сагъвал гереке я.
Ислягъ уьмуьр Ватанда
Сагъвилелди гуьрчег я.

Пака чал чи несилрин
Гаф текъвервал туьгъметдин.
Ашкъи, гъевес кутан къе,
Чи жегъилприк зегъметдин.

Майишатар галайвал
Яд къаналрай авахърай.

Халкъ ашкъилу ийиз чи
Багъ-бустанриз алахърай.

Гегъенш чуьлда къуьлер цаз,
Халкъдиз ризкъи бул хъурай.
Емиш, майва дигмиш жез
Чаз бегьерлу зул хъурай.

Садни чаз са лишанлу
Вахт ава халкъ уяхдай.
Пудкъанни цлувад йис хъайи
Юбилейдал дамахдай.

Ам сувар я Ватан чи
Пис цаярай акъатай.
Гужар эхна къуд йисуз
Гъалиб хъана акъатай.

Мубаракрай виридаз
Халкъдин риклер шад ийиз.
Гужлу хъурай Ватан чи
Хуш ниятар сад ийиз.

Цийи йисуз районда
Крар вилик физ хъурай.
Ислягъвили, дуствили
Муштулулар гъиз хъурай.

2022-йис. Ам куьн патал гьихьтинди хьана?



РИКІ ГЪЕВЕСЛУ ЯЗ ДАВАМАРДА

2022- ЙИСУЗ Россиядин халкъарин адет хьанвай культурадин Центрдin кIвалах асул гьисабдай культурадин Йис патал тайинарнай кIвалахар

кьиле тухунихъ рекье туна. Центрда тематический вечерар, машгур ксарихъ, писателрихъ ва шаиррихъ, дяведин ва зегьметдин ветеранрихъ, аскеррихъ-интернационалистрихъ галаз гуьруьшмиш хьунин вечерар тухвана. Месела, РД-дин халкъдин шаир, драматург чи районгьли Абдуселим Исмаилован 75- йисан юбилейдиз талукъарнавай вечер яргьалди рикел аламукъдайди хьана.

Центрдин работникриз лишанлу йикъариз, профессиональный сувариз талукъарна межлисар кьурмишун, жуьреба-жуьре конкурсар, кьугунар тешкилун адет хьанва. Центрдин фольклордин коллективди райондин сергьятрилай яргьа кьиле физвай фестивалра агалкьунралди иштиракзава.

Алукъанай Цийи йисузни Центрдин работнири гьа икI давамардайдахъ инанмишвал ийиз кланзава.



ОБРАЗОВАНИЕДИН ХИЛЕН НЕТИЖАЯР

Адет хьанвайвал, гьар йисан эхирда, образованиедин, медицинадин, экономикадин ва вири хилера акъатзавай йисуз авунвай кIвалахдин нетижаяр кьазва. Магьарамдхуьруьн районда образованиедин хиле тухузвай кIвалахдиз кьетIен фикир гузва. ГьикI лагьайтIа, вири хилерай пешекарар гьазурзавай, савадлувилини бине кутазвай малимри - чи обществодин нурлу кьатарин чIехи пай кьазва. 2022- йис рекье твазвай суварин вилик чи корреспондент Афисат Айдемирова МР- дин образованиедин Управлениедин начальник Улубег Абейдуллаевахъ галаз гуьруьшмиш хьана ва и хиле авай гьаларикай хабарар кьуна.

- Улубег Муьгьуьдинович, ингье 2022- йис вичин сергьятдал атанва, ам куьн ва куьне регьбервал гузвай МР-дин образованиедин хел патал гьихьтинди хьана?

-Образованиедин хиле тухузвай кIвалах лап жавабдарди

я. Адаз тек са чIехибур ваъ, гьакI аяприни кьимет гузва. Гьар келунин йис башламиш жедалди МР – дин руководстводихъ галаз меслятнавай план туькIуьрзава ва ам тамамариз алахъзава. Къенин йикъан чи кIвалахдилаи, чи пакагьан

йикъан гележег аслу жеда. 2021-2022- келунин йисуз «Образование» лишандик квай милли проектдин килин терефар тамамарунин, социальный гьалдилаи, яшамиш жезвай чкадилаи, сагьламвилини гьалдилаи аслу тушиз чирвилер гунин рекьай кьуллугьар ийизвай система мягкемарун давамарунин, цийи стандартар ишлемишуналди муниципальный тешкилатдин образование инновационный рекьай вилик тухунин, бажарагъ авай аялар дьудал акъудунин, абуруз куьмек гунин жигьетдай бегьем кIвалах кьиле тухванва.

2022-йис. Ам куьн патал гьихьтинди хьана?



ОБРАЗОВАНИЕДИН ХИЛЕН НЕТИЖАЯР

3 ←

- Алай йисуз эхиримжи вахтара чи уьмуьрда кьетлен чка кьунвай ЕГЭ ва ОГЭ рин нетижаяр гьихьтин бур хьана?

-Адет хьанвайвал, гьукуматдин нетижадин аттестацияр райондин Буткьазмайрин, Филерин ва Магьарамдхуьруьн школайра кьиле тухузва. Алай йисуз Магьарамдхуьруьн школада ремонтрин кьвалахар себеб яз, Ярагькьазмайрин школада кьиле тухвана. Алай йисуз 237 аялди ЕГЭ яр вахкана. Абурукай 41 аялди гьар жуьре предметрай 80 далай виниз баллар кьачуна. ИкI, Джамият Абдуселимовади (Хуьрелрин школа) урус чIалай- 91, тарихдай- 80 ва обществознаниедай- 84, Заур Гьасанова (Советск) урус чIалай- 85, обществознаниедай- 82 ва тарихдай- 84, Гьабибулагь Магьарамова (Советск) урус чIалай- 96, химиядай- 88 ва биологиядай- 89 балл кьазанмишна.

ОГЭ- дай экзамен 658 аялди вахкана. Абурукай 501 аялди обществознаниедин, 421 аялди биологиядин, 120 аялди информатикадин ва 92 аялди тарихдин предметар хьанавай. Нетижата 78 аялди тафаватлувили аттестатар кьачуна.

- Олимпиадайрин гьакьиндай са кьве ихтилат авуртIа жедачни?

-Гьелбетда чи кьвалахдин нетижаяр кьун, аялрин чирвилер ахтармишун патал тухузвай олимпиадайрихьни еке метлеб ава. Алай йисуз 19 предметдай тухвай школадин этапдин олим-

пиадайра 3778 аялди ва муниципальный этапда 1461 аялди иштиракна. Аялри иштиракнавай олимпиадайрин нетижайриз килигайла урус ва англис чIалан предметриз хейлин фикир ганва. Информатикадин, астрономиядин ва МХК- дин предметрай иштиракчийрин кьадар агьузди я.



Республикадин этапда 54 ученикди иштиракна, абурукай 7 аял призерар хьана. Инал заз, кьиблепатан Дагьустанда информатикадай кьиле фейи олимпиададин гьалибчи хьайи ва республикадин этапда 2- чка кьур Рагьимов Гьамидан (Магьарамдхуьр) тIвар кьаз кланзава. «Школа-пресс- 2022» конкурсдин «Школадин газетдин виридалай хьсан мухбир» номинациядин гьалибчи Эмирбеков Рамиданан (Гьепецегьрин хуьр) ва экологиядин шикилрай вирироссиядин конкурсда «Кьвалин гьайванар» номинациядин гьалибчи Кьазибекова Азизадин (Магьарамдхуьр) тIварар чна дамахдивди кьазва.

Гьар йисан эхирда «Йисан малим» конкурс тухун хьсан адетдиз элкьвенва. Декабрдин

эхирра тухвай конкурсдин муниципальный этапда, биологиядин предметдай чирвилер гузвай малим Замина Дустарханова (Чепелрин хуьр) 1- чкадиз, элкьвена кьунвай алем предметдин малим Лариана Меджидова (Гьепецегьрин хуьр) 2- чкадиз ва хайи чIалан тарсар гуз-

вай малим Асият Алиева (Билбилрин хуьр) 3- чкадиз лайихлу хьана. Районда авай аялрин бахчайрикай са кьве ихтилат ийин. Кардик квай 21 бахчада 1487 дав агакьна аялар школадиз гьазурзава. Гьар йисуз бахчайрин тербиячийри муниципальный, республикадин конкурсра иштиракзава. «Йисан тербиячи» конкурс тешкиллувилелди кьиле тухузва. Кьенин юкьуз районда 11 хуьре аялрин бахчаяр авач.

- Улубег Муьгьуьдинович, алуькьнавай 2023- йис чи районэгьлийриз тебрик ийидай мумкинвал хьуниз килигна кьехъ гьихьтин тIалабунар ава?

- Чаз ихьтин мумкинвал гунай кьез чухсагьул. Сифте нубатда дуьнья ислягь хьурай. Кьиле физвай махсус операция куьтягь хьана, аниз фенвай чи жегьилар чпин дидейрин, юлдашрин ва веледрин патав сагьсаламатдиз хтурай. Виридахъ чандин мягькем сагьвал, кьвалахда агалкьунар хьурай ва рикле авай мурадлив агакьрай!

- Суьгьбет авунай чухсагьул.



ЦИЙИ ЙИСАН КАЛЕНДАРЬ



	ЯНВАРЬ	ФЕВРАЛЬ	МАРТ	АПРЕЛЬ	МАЙ	ИЮНЬ	
Пн	2 9 16 23 30	6 13 20 27	6 13 20 27	3 10 17 24	1 8 15 22 29	5 12 19 26	Пн
Вт	3 10 17 24 31	7 14 21 28	7 14 21 28	4 11 18 25	2 9 16 23 30	6 13 20 27	Вт
Ср	4 11 18 25	1 8 15 22	1 8 15 22 29	5 12 19 26	3 10 17 24 31	7 14 21 28	Ср
Чт	5 12 19 26	2 9 16 23	2 9 16 23 30	6 13 20 27	4 11 18 25	1 8 15 22 29	Чт
Пт	6 13 20 27	3 10 17 24	3 10 17 24 31	7 14 21 28	5 12 19 26	2 9 16 23 30	Пт
Сб	7 14 21 28	4 11 18 25	4 11 18 25	1 8 15 22 29	6 13 20 27	3 10 17 24	Сб
Вс	1 8 15 22 29	5 12 19 26	5 12 19 26	2 9 16 23 30	7 14 21 28	4 11 18 25	Вс
	ИЮЛЬ	АВГУСТ	СЕНТЯБРЬ	ОКТАБРЬ	НОЯБРЬ	ДЕКАБРЬ	
Пн	3 10 17 24 31	7 14 21 28	4 11 18 25	2 9 16 23 30	6 13 20 27	4 11 18 25	Пн
Вт	4 11 18 25	1 8 15 22 29	5 12 19 26	3 10 17 24 31	7 14 21 28	5 12 19 26	Вт
Ср	5 12 19 26	2 9 16 23 30	6 13 20 27	4 11 18 25	1 8 15 22 29	6 13 20 27	Ср
Чт	6 13 20 27	3 10 17 24 31	7 14 21 28	5 12 19 26	2 9 16 23 30	7 14 21 28	Чт
Пт	7 14 21 28	4 11 18 25	1 8 15 22 29	6 13 20 27	3 10 17 24	1 8 15 22 29	Пт
Сб	1 8 15 22 29	5 12 19 26	2 9 16 23 30	7 14 21 28	4 11 18 25	2 9 16 23 30	Сб
Вс	2 9 16 23 30	6 13 20 27	3 10 17 24	1 8 15 22 29	5 12 19 26	3 10 17 24 31	Вс

2022-йис. Ам куьн паталди гьихьтинди хьана?



ЧАЗ виридаз малум тирвал, районда спорт йис-йисандавай, йигин еришралди вилик физва. 2022-йисни чун патал спорт мад са кларцин вилик феи йис хьана. Райондин руководстводи гьалун патал чи вилик эцигай месэлаяр, саки вири хьсан нетижаяр аваз кьилиз акъудиз алакьна лагьайтла, аз чиз чун гьалмиш жедач.

Райондин вири хуьрера спортдин жуьреба-жуьре майданар ава. Анра йисан вахтунда ара атлуз футболдай, волейболдай, азаддиз кьуршахар кьунай, дзюдодай, залан атлетикадай акъажунар тешкилна. Месела яз, 2022-йисуз райондин «Леки-лезгины» футболдин командадикай ирид лагьай сефер яз Дагъустандин чемпион хьана, идалай гьейри кьве се-

ферда Дагъустандин кубокни кьачуна.

2022-йисуз дзюдодай Россиядин чемпионатда чи районэгли Сайидов Назим Лазимовича гьалибвал кьазалмишна. Зингьаров Марат Муслимовича азаддиз кьуршахар кьунай спортдин мастервилин норматив ацурна. Балахмедов Замир Руслановича самбодай СКФО-дин чемпионатда 1-чка кьуна ва самбодай спортдин мастервилин твар кьазанмишна.

Мадни, Магьарамдхуьруьн 1-нумрадин школадин гьаятда цийи футболдин майдан ачухна.

Алукьнавай 2023-йисузни чна районда спортдин ериш зайифар тавуна кваллах давамардайдахъ, районэглияр инанмишариз кланзава.

**Эльбрус
ШАГЬВЕЛЕДОВ.**



ЭГЕР АВАЧТИА...

АЛАМАТДИН инсан я, зи кьунши Халид. Са кьадар яшар хьанватлани, са декьикьада ацукьна кьарай кьведач. Ада кваллах авачир чкадайн са кваллах жагьурда. Гьа и кар ада вичин веледривайни истемишда. Халидаз вичин рухваяр са кардик квачиз ацукьнаваз акунилай зу-

лум кваллах авач. Амма вичи гьилер кьакьаждач.

Са сеферда куьчедай хтайла Халидаз вилик са истиклан чайни эцигна дивандал агалтна газет клелзавай члехи хва Рамиз акурла чанди цай кьада адан.

-Яда, ваз ийидай са дерди авачни? Кардик квачиз ваз кьарай гьикл кьеззва,- элкьвена ам хцел.

-Я буба, сал члуру хьчарикай михьнава, яд ганва, тарарин пунариз пер, тарариз киреж янава. Цур михьнава, данадиз векьер кутунва, верчери твар ганва.

Хцин жавабри мадни туьнтарзава Халид. Амма галкьидай са кар тахьайла буйругьдин жуьреда лугьузва ада Рамизаз:

-Са кваллахни амач лугьузва на. Ян? Эгер авачтиа, гьаятдин кьапу ахьагьиз акьал хьия. Акьвазай ци ни кьачуда гьавайда лагьанвач,- ван алаз давамарна гурарай эвичизавай ада.



Къуьрен йис я, Цийи йис

Къвалинди хъуй, чуьлдинди хъуй,
Гекъигунар тийин чна.
Хъсан бегъер гурай чаз къуй,
Къуьрен тариф ийин чна.
* * *

Вуч тїлалабда къуьревай?
Аладун хъуй кїмай къван.
Катиз тахъуй сикрехъай,
Къадаиди хъуй лап къабан.

Жендекдиз вич гъевчи яз,
Жуьрэтдиз хъуй аждагъан.
Авадан йис хъурай им,
Ислягъвални чаз масан.

Рикї аватда турбадай,
Къуьрен, са пеш юзайла.
«Ам кичевал туш якъин», -
Жаваб гуда жизайла.
Къуьр хуьзвайди квачерин
Йигинвал я къатїайла.
Къуьр саламат амуькда
Ам вахтунда катїайла.
Катунни са мердвал я
Луту сикре недалди.
Гъавилїай къуьр амазма,
Терг тахъана къедалди.
Мукъаятвал герек я,
Кьилел дуьшуьш къедалди,
Дуьз фикир я къуьренди.

МРОТ-цийи йисуз

Зегъметдиз гъакъи гуни
кїанин къадар 1- январдилай
хкаж жеда. 2023-ЙИСАН 1-
январдилай МРОТ-дин къадар
вацра 16242 манатдал къван
хкаж жеда. 2022-йисуз МРОТ-
дин къадар 15279 манатдин
дережада авай. МРОТ вахту-
налди зегъмет чїугуниз къабил
туширла, кївачел залан ва аял
хъайила пособиерин къадар
тайинардайла ва маса дуь-
шуьшра ишлемишзава.

2023-ЙИСУЗ СУВАРИН ЙИКЪАР

1-январь - Цийи йис
23-февраль – Ватан хуьз-
вайдан югъ
8-март - Дидейрин Между-
народный югъ
1-май - Гатфарин ва зегъ-
метдин сувар
9-май – Гъалибвиллин югъ
12- июнь - Россиядин югъ
4-ноябрь – Халкъдин сад-
виллин югъ

ПРОКУРАТУРА РАЗЪЯСНЯЕТ

ПОМОЩНИКОМ прокурора
Магарамкентского района в
преддверии Международного
дня борьбы с коррупцией в фи-
лиале № 20 ФКУ «Главное бюро
медико-социальной эксперти-
зы по Республике Дагестан»
проведена лекция на тему про-
тиводействия коррупции.

В ходе лекции помощник
прокурора района разъяснил
работникам учреждения требо-
вания законодательства о про-
тиводействии коррупции, об-
щее понятие коррупционных
преступлений, правонаруше-
ний и меры ответственности за
их совершение.

М.Г. КАЗИХМЕДОВ,
прокурор района,
старший советник юстиции.



Квез ван хъанатїа

* Йис 1- январдилай башламышун Римдин гъукумдар Юлий Це-
зара тайинарна.


* Россияда Цийи йисан сувариз елка лап фадлай безетмишиз
хъана. Амма ам немсерин адет тирвилїай 1916- йисуз и кар Пак
тир Синодди къадагъа авуна.

*Россиядин Аяз Бубади вич хайи югъ 18- ноябрдиз къейдзава.

*1991- йисан 31- декабрдиз телетамашачийрин вилик госу-
дарстводин килин чкадал Михаил Задорнов рахана.

*Кубовийри Цийи йисан вилик сятини 12 сеферда ядалди
ципицдин 12 твар незва.

*Цийи йисан махсус марка сифте яз Данияда акъудна.



ГАЗЕТ келзавай гъурметлу районэгълияр! Квез Цийи йис мубаракрай! Къуй ам куьн патал сагъвал галайди, мублагъди, фикирдиз къачунвай крар къилиз акъатдайди, газетдай анжах шад ва хуш хабарар келдайди, газетдинни ам келзавайдан алакъяр мад-ни мягъкем жадайди хъурай.

Дуьшуьшдикай менфят къачуна 2023-йис патал газет кхьинин компанияда жумартлувилелди ишти-ракай вири районэгълийриз, Цийи йис патал газет кхьинив и кардин важиблувал фикирда къуна эгечлай вири руководителриз риклин сидкъидай чухсагъул лу-гъуза.

**«САМУРДИН СЕС»
газетдин коллектив.**



СТХА АГЪМЕДУЛАГЪАЗ

**На эцигна ваз памятник,-
Лезги чӀалан словарь.
Маначи я ам гафарин
Классикдин, дилавар.**

Классик- динэгъли тиртлани, вичин пеше-карвиликай- къазивиликай талгъузвай, руьгъ литературадин яратмишунра гъатна, 2- кес-пидал- шаирвилел элячӀна ва инсаниятдиз ви-лик финиз эвер гайи литературадин, гъакӀни илимдин деятель лезги Етим Эмин.



Къаравилияр

Гъвечли аялар тарсуна кьиф-кац къугъваз-ва. Малимди лугъуза:

-Рушар катда, гадайри къада!

-Малим- малим, мад къур рушакай гъадан свас жезвайди яни?!-фад-фад лагъана са бицӀи руша.

* * *

-Бурж мус вахкузвайди я?- КицӀин рикӀел хкизва Кьифре.

РикӀел ала-ала! Вахкузвайди я, жанаби Кьиф, кье вахкуда. Зи куьмекчи кациз лагъан-вайди я за, рекье ава ам ви патав къвез!



**Къилин редактор
Р. АБДУРАГЪИМОВ.**

Редакциядин адрес:
368780. РД, Магъарамд-хуьруьн район, Магъа-рамдхуьр, Ленинан куьче, 4.

Газет гъафтеда садра акъатзава.

Учредитель: Администрация муниципального района «Магарамкентский район».

Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

**Чап ийиз вахкудай вахт - 16.00.
Чапун патал къул чӀугуна- 15.00.**

Газетдин регистрацйин нумра- Д 0174

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче, 4. Лезги чӀал.

**Индекс 63340. Тираж 1400
Заказ № 1.**

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+